

摘藻堂四庫全書薈要

史部

欽定四庫全書薈要

史部

硃批謝音卷一百六十八

詳校官編修臣繆晉



欽定四庫全書薈要卷八千一百九

吏部

硃批諭旨卷一百六十七

硃批劉章奏摺

雍正六年十一月初六日江西南贛總兵官臣劉章謹

奏為敬陳管見仰祈

睿裁事竊臣一介庸陋荷蒙我

皇上兩畀封疆重寄惟思殫心整飭仰報

聖恩抵贛以來查詢各營軍器如鎗礮藤牌等項經前任鎮臣石雲倬王郡等以

奏准公費陸續修整頗堪敷用惟弓箭一項行據各營將備呈覆查得各兵除撒袋所插之外別無存貯戰箭間有數營回報各兵存箭十數枝者未免舊敝參差難資實用設有不時調遣倉猝何能立辦查臣屬各營現蒙

天恩准存公費正宜以公濟公陸續造補以臣愚見凡

馬步弓箭兵丁除撒袋所插戰箭十枝之外馬兵應另存戰箭三十枝步兵應另存戰箭二十枝以備調遣之用一切物料工價皆出公費動支即令該管將備督工製造務期堅利俟造竣之後經臣驗明發回各營將備按馬步兵丁分給飭令加謹存貯毋使損壞底調遣有資不至臨期貽誤或亦整頓營伍之一端也事關造備軍器臣不敢擅便是否可行伏候

皇上睿鑒批示謹

奏

事關造備軍器報部存案可也

雍正七年六月初二日江西南贛總兵官臣劉章
謹

奏為奏

聞事竊臣所轄之南安府地方四面皆山兩城對峙僅
有溪河一道通洩諸山之水凡遇山水驟發不能

暢流易於為患茲於五月十二日據南安營叅將
呈稱南安府於五月初三日戌時起大雨如注至
初四日黎明雨止山水陡發平地水深四五尺波
濤奔湧迨至本日午時水勢方平以致大庾縣老
城水城被水衝塌六處府學城垣亦被衝毀內外
兵民房屋多被衝倒田禾亦有淹沒現在撈獲溺
死民間男婦三十餘人沿河有六處水汎塘房墩
臺俱遭水浸塘兵之什物家伙以及巡哨小船五

隻亦有被水衝去者窩坑塘兵黃吉竝兵丁李順
仁之母被水淹死等情到臣當經咨明署督臣范
時繹署撫臣張坦麟臣隨一面專差千總前往南
安確查被水情形一面捐發銀兩飭該叅將許仕
盛將淹死塘兵男婦二口親屬及被水衝房屋家
伙什物各兵酌量分給實心撫恤去後今據臣差
千總查明回稱南安府實因五月初四日山水驟
發老城水城二處民人房屋被水衝毀一百餘家

俱經有司酌量賑給錢米兵丁房屋被水衝倒一
十九家經叅將許仕盛遵將所發銀兩酌給撫恤
現今兵民安堵撈獲男婦人口皆已捐給棺木所
傷田畝尚可補蒔晚禾等情前來但被水民人房
屋田畝清數事屬有司應聽確細查勘詳明督撫
奏報所有山水驟發情形臣理合據實奏

聞伏乞

皇上睿鑒施行謹

奏

南安山水陡發情形已據張坦麟奏過被衝兵民亟當
加意撫恤

雍正七年閏七月二十六日江西南贛總兵官臣

劉章謹

奏為

聖恩撫恤有加兵民感戴無已謹摺奏明恭繳

硃批事竊臣前奏南安府地方山水陡發情形一摺奉

到

皇上硃批臣跪讀

聖諭益仰見我

皇上仁育為懷有加無已之

聖心也伏念南安府屬之大庾南康二縣偶罹水患兵
民房屋人口間被淹衝一經署撫臣張坦麟具奏
即蒙我

皇上下沛恩膏命布政使臣李蘭動支帑銀四千兩親

往查勘逐戶賞給兵民均沾實惠安居樂業感戴
皇仁浩蕩遍地歡呼隨據懇謝

天恩業經咨明署撫臣彙疏

題報茲於臣奏摺內乃復上厘

宸衷奉有

硃批加意撫恤之

旨臣謹仰體

天心廣宣

聖德俾兵民益感

皇恩併飭南安營叅將許仕盛一體欽遵外謹將

硃批奏摺理合恭繳謹

奏

覽奏知道了汝等地方文武大臣凡事皆當據實入告
朕便酌量施行若隱而不奏朕何由而知從何辦理耶
試思此四千金之經費與萬姓之身命孰輕孰重且汝
等武臣尤以直率不欺為貴切勿崇尚巧偽虛浮之習

而循瞻前顧後卜東度西之行為也誌之

同日又

奏為奏

聞事竊臣因南贛各營馬步弓箭兵丁除撒袋插箭之外竝無存貯戰箭隨以敬陳管見仰祈

睿裁事繕摺具奏奉有

硃批臣遵即造成戰箭式樣通飭所轄一十六營將備照各營馬步弓箭兵丁名數動用公費糧銀如式

造齊送臣驗明分給各兵存貯去後茲據各營將
備陸續造齊戰箭送臣驗看如式按數分發各營
兵丁加謹收貯併將數目彙冊咨呈署督臣范時
繹轉咨內部存案暨咨明署撫臣張垣麟外所有
造竣戰箭分發兵丁承領存貯彙冊報部各緣由
理合具摺奏

聞謹

奏

朕觀汝等武臣操守每多不潔而統馭所轄率皆優柔
此優柔之故無他因持身不正被屬員士卒有所挾制
而然也極當痛除陋習保守一生名節以成全朕用人
顏面為大將者整頓營伍務使紀律嚴明訓練兵弁咸
令精藝守法不亦美乎勉之勉之

雍正八年二月十二日江西南贛總兵官臣劉章
謹

奏為奏

聞事竊臣接南昌鎮臣陳王章密字內開奉署督臣范
時繹密諭奉

旨密拏羅教一案其入教民人自有文員查拏第恐亦
有營兵在內應於所轄細訪確查如有倡首生事
者嚴拏移究若係無知誤入者責令改易前非倘
無入教兵丁亦即密覆等語到臣臣隨密諭所屬
將備確訪細查營兵內有無羅教倡首生事無知
入教之人分別拏究飭改去後今據各營將備細

查密覆竝無誤入羅教兵丁除密覆督臣范時繹
鎮臣陳王章外伏查臣屬各營兵丁雖竝無誤入
羅教之人而密訪得南贛吉三府各縣內實有民
人習尚羅教每縣多者數十餘人少者十餘人有
即在於住屋供經念誦稱為經堂亦有在於鄉僻
小庵供經念誦者間有婦女亦從此教大率持齋
念經羣相附和尙無聚衆生事倡首鼓惑情形今
督撫臣等密諭各府縣現在查獲概行收其經卷

責令改邪歸正取具本人暨鄰里甘結嚴行禁止
不許再習羅教愚民感悟俱各仰戴

皇仁從此邪教永除人心咸正是皆我

皇上化導愚頑崇正黜邪之至意也臣仰體

聖心據實摺

奏伏乞

皇上睿鑒施行謹

奏

前諭甚明原可不必苛刻紛擾旨

同日又

奏為欽承

聖訓事雍正七年十月初九日欽奉

皇上硃批臣報明製造各營備存戰箭工竣一摺臣跪
讀

聖訓感激涕零伏念身膺重任卽制官兵當整肅官方
首重操守共相砥礪潔已率屬若持身不正統下

優柔被屬員士卒挾制實屬大負

皇恩有玷官箴莫此為甚臣一介庸愚蒙

皇上簡畀封疆自分駑駘萬難報稱敢不潔已率屬加
意整飭茲復凜承

聖訓惟有益加儆惕廉潔持身嚴肅官方整頓營伍訓
練兵弁精藝守法以仰副

聖主勗勵微臣之至意理合繕摺奏

聞謹

奏

覽奏已悉務期言行相符可也

雍正十年五月十五日江西南贛總兵官臣劉章
謹

奏為奏明微臣查閱過營伍情形仰祈

睿鑒事竊臣因所屬南贛吉三府地方廣濶各外營相
隔殷遙必須親歷巡查方為有益前經恭疏具

題荷蒙

聖恩准臣前往部文到日臣於三月十一日起程先從南安府一帶次及贛州吉安兩府分防各營汎徧行查閱於四月二十九日事竣回署遵例

題報在案臣於所到各營矢公矢慎詳加考驗兵丁技藝尚皆熟練不致生疎至於盔甲軍裝帳房鑼鍋等項均係整齊適用惟各營步兵披戴盔甲內盔有綿盔鐵盔二項甲有新舊式樣不齊上年六月內經督臣高其倬驗准將未合式者畫一改造

綿盛悉換鐵盛現在動支公糧銀兩陸續製換尚未竣工至各兵配執器械鋒刃犀利均堪適用弓箭兵丁除撒袋外各有備存戰箭鳥鎗兵丁除操演外各有備存火藥鉛彈其餘一應軍裝什物俱屬齊全各營馬匹臃肥並無缺少間有臃分不足者將本丁責處勒限令其加料餵養沿途塘汛墩臺瞭樓亦屬整飭所有微臣查閱過各處營伍情形理合繕摺

奏明伏乞

皇上睿鑒謹

奏

覽奏所屬各營汛情形朕殊不能深信

雍正十年九月初七日江西南贛總兵官臣劉章
謹

奏為奏

聞事竊照臣屬南贛二府例食粵鹽埠商將引鹽運回

聽各鄉村子店分析零賣間有食力之民亦多在
埠承買肩挑至各鄉零賣者贛屬長寧會昌兩縣
與潮州所屬平遠縣接壤平邑餉重引多現在發
帑行銷而贛屬之寧都會昌亦行帑鹽竝無商埠
向有潮州及附近汀贛各屬民人挑負米豆穀菽
赴平遠易鹽過嶺在各鄉分賣平遠司帑鹽者給
發小票以別於私鹽經分巡贛南道王世繩以小
票難分正偽詳請江西巡撫臣謝旻咨明粵省請

將此項小票之鹽改給印照以杜假冒粵省未經
准行本年四月內署理江南江西總督尹繼善通
行上下兩江實力緝私不許越境透漏贛屬有司
遵照通飭之文將此等鹽斤俱行禁止粵省平遠
縣以江省禁絕此鹽則平邑帑鹽無處銷售具詳
署廣東總督臣鄂彌達批行鹽運使查議以贛屬
原食粵引以帑鹽行銷額食粵引地方竝無衝賺
淮鹽贛屬七縣埠止銷引一萬七千餘道而平邑

獨派引二萬九千餘道歷來皆照融銷之例今應

照例運銷額課方能無誤詳請咨明江南江西督

臣又通飭南贛道及府縣各官迅將隘口巡鹽人

役撤回無庸阻禁在案初因各縣禁絕零鹽之後

南贛各埠商俱於離遠縣城鄉村各處添開子店

疏銷官引又因平日在埠販鹽零賣者拖欠不清

聚行停發隨有南安府南康縣潭口地方諸貴子

店於本年閏五月十五日被多人打毀店面乘機

搶劫銀錢衣物臣一聞報飛飭南安營叅將許仕
盛上緊嚴拏去後不意七月十五日又有大庾縣
新城地方鍾文子店突有十數人搶劫鹽包衣物
七月二十八八月初二兩日贛縣鄉村胡子綸錢
仲賢店俱被打搶接連報案臣細行查訪俱係各
處販賣粵鹽及平日在埠販鹽零賣之人贛縣之
案臣嚴督營員會同縣捕拏獲數人有司現在審
究臣俱飛報督撫二臣一面協同文員設立賞格

分頭緝拏務期全獲移究外事關地方理合奏明
為此具摺奏

聞謹

奏

搶刦之風何可滋長督令嚴緝務獲毋得少涉寬縱

同日又

奏為恭繳

硃批事竊臣於本年五月十五日拜

進一摺為奏明微臣查閱過營伍情形仰祈

睿鑒事同日又一摺為奏

聞事又於閏五月二十六日拜

進一摺為奏

聞事俱蒙

皇上硃批於本年六月二十三八月初二等日到臣臣

恭設香案望

闕叩頭密讀欽遵外伏念臣庸愚無識仰荷

聖恩畀以封疆重任凡於營伍防汛留心整飭不敢一刻懈弛臣前親詣各營查閱事竣之日具摺奏明荷蒙

皇上硃批訓示臣跪讀之下不勝感激奮勉竊臣屬大小一十六營技藝甲械數年以來日事訓練整頓及臣親往閱驗既於當場分別勸懲回署後又復諄諄嚴飭務期弁兵技藝熟嫻營伍愈加整飭其一切應修應改甲械臣已經咨呈署江南江西督

臣尹繼善現在陸續興修勒限學習臣實不敢於君父之前有一字虛假自蹈不實之咎今凜遵

聖訓仰體

天心益殫精勤愈加奮勉以期無負我皇上天高地厚之恩於萬一所有原奉硃批三摺理合一并恭繳為此具摺奏

聞謹

奏

近觀武臣輩每多言行互異處所奏何能深信且汝居官聲名僅在中平之列其勉之母怠

雍正十一年八月十七日署太原總兵印務額外
總兵官臣劉章謹

奏為請

旨製易營鎗以壯軍容事竊臣蒙

聖主天恩簡署晉鎮視事以來除嚴督操練兵馬之外

凜遵

訓旨凡營伍一切事宜莫不與署提臣覺羅石麟虛衷商酌而行仰叨

皇上洪福兵民輯安地方寧謐員弁均稱供職營伍亦屬可觀惟查臣屬各營烏鎗兵丁共三千三百八十九名執把之鎗向皆各兵自備相傳是以大小輕重不一經臣逐細挨查內鎗身重止五斤上下者一千五百餘桿甚覺輕薄短小納藥入子均不能多力量何能遠大且演放至一二十年之久膛

口火門亦不無損缺之病臣由行伍出身歷今四十餘年凡在各營頭之烏鎗率多八斤上下者方為合式是以臣製就樣鎗一桿身重八斤長三尺六寸納藥二錢四五分入子四錢可致遠一百五十步之準頭甚覺有力臣意欲將各營之烏鎗自六斤以上者且留演用其輕小之一千五百餘桿即行製易已與署提臣商酌明確并驗明樣鎗但事關製易軍械未敢擅便為此恭摺奏請

訓旨如蒙

恩允其所費之項并請於臣到任後見存公費銀內動
用倘有不敷即於朋馬餘銀添補製造應否可行
伏乞

聖主睿鑒

訓示遵行臣謹具摺奏

聞謹

奏

與石麟商酌行之

雍正十一年十月二十二日署太原總兵印務額

外總兵官臣劉章謹

奏為欽奉

上諭事雍正十一年十月十七日接准提臣准兵部咨

內開雍正十一年八月十二日內閣奉

上諭各省營伍必須武職大員平時親身查察庶可以
除怠惰廢弛之弊提督一官節制全省統轄之地甚

遠難以親身遍歷至於總兵分轄地方道里不甚遼
濶巡察尚易周遍嗣後各鎮臣有應行巡察之處著
先期具摺奏聞請旨候朕批示遵行不必拘定期限
免各營預備供應致滋擾累儻有絲毫苛累所屬弁
兵者經朕察出定行從重議處欽此欽遵等因到臣
臣查太原一鎮管轄六府七州六十八縣營汛較
之他鎮地方實為遼遠又且迤南一帶盡屬崇山
接太行而隣豫省犬牙相錯尤為宵小易藏之地

益宜臣等每年親身周遍巡察不惟各營員弁兵丁可除怠惰廢弛之弊亦且可以彈壓地方甚有裨益當茲農隙之時臣尤急宜前赴各營身親操閱彈壓以供職守今遵

旨繕摺奏請伏乞

聖主天恩准臣於十一月內由西南兩路之平垣蒲州潞澤等營先行巡歷查操一次約得一月之期又於來年開印之後由東北兩路之孟壽太原汾州

靖安等營巡歷查操一次亦得一月之期俟查操
周遍之日容臣將各緣由另行具

奏如蒙

恩允凡臣出門一切需用之費絲毫皆係自備萬不敢
稍致擾累以負

聖主教養之深恩也為此繕摺具

奏仰懇

聖主批示遵行謹

奏

應於何時何地次第巡察之處與署提臣石麟酌商而行

硃批諭旨卷一百六十七

欽定四庫全書薈要卷八千一百十

史部

硃批諭旨卷一百六十八

硃批楊鯤奏摺

鎮守雲南曲尋武霑等處總兵官臣楊鯤謹

奏為受

恩至重圖報至殷謹瀝下悃仰祈

睿鑒事竊臣於雍正元年正月內具摺請謁

先帝山陵荷蒙

皇上俞允九月抵都侍

闕五日六觀

天顏將臣第三子楊先榮

賞補臣標中軍守備

與爾不相干涉之人竟認作胞姪

公然奏朕殊屬粗莽之至

琳所壞爾知之否

准臣帶赴雲南本標補用又

欽賜蒜頂線纓涼帽屢飽

天厨時膺

寵錫殊有之榮洵非夢寐所敢希冀

臣自旋滇以來微

忱感激每至涕零今雲南提督郝玉麟現駐义木
多地方部議中甸令挑選總兵官駐劄臣不揣謏
劣仰懇

皇上天恩俯將副將孫宏本令其撤回原任

准臣帶兵前駐中甸遇有相機進剿之處臣必竭力行
走以盡犬馬之勞則臣報效之心庶可少伸萬一
爲此繕摺具

奏伏乞

皇上睿鑒施行謹

奏

此事督臣高其倬自必有所見奏朕何庸爾多此一奏耶

鎮守雲南曲尋武霑等處總兵官臣楊鯤謹
奏爲遵

旨密陳事竊臣

陛見之日欽奉

亦不限定每年兩次有應奏聞者安可拘泥次數若無諭旨許臣每年兩次密摺陳

可奏之事又何必兩次請如此類大約於國計民生時

奏臣凜遵回任茲於地方官員有所見聞用敢繕具

聽未清楚耳

密摺敬爲我

皇上陳之

一地方賢員

原楚雄府今調廣南府

此人原好衆所知者

知府張允隨辦事有才操

守聲名俱好

原曲靖府今調麗江府知府楊馥才守俱優辦事

未必
勤敏

原雲南霑益州今補貴州永寧州知州王鼎鉉吏

該員

之優處前此未聞候朕再訪

治精敏前任霑益至今民歌父母

原好亦係衆所知者

原臣標左營遊擊蘇應選中軍守備趙佐才現任

高其倬所

舉卓異

之員料無謬誤

倬卓異薦舉在案臣無庸再爲保舉所有臣在河

何待爾言今已超擢

間協任內深知天津衛掌印守備張傑由侍衛出

爲副將矣

身莅任津衛十有餘年人去得辦事頗優聲名亦

好雲南邊地如蒙

賞發來滇以緊要叅遊缺用必能及時效力

一地方劣員

雲南援勦左協副將金懷瑋係崇文門外回子金

此人

原屬不堪久

欲革黜因趙坤於陞見時奏伊好處

五金六之弟拜認原任貴州提督張文煥爲義父

所以

姑容至今果如此不端則前此趙坤之奏蓋必有

由守備屢

由竝

將高其倬何以不行叅劾之故密訪奏聞

題至貴州銅仁協副將續調援勦左協副將叅革雲

南鹽道回子沈元佐係其姻親張文煥任內受託

徵賄俱係金懷瑋過付聲名不好人亦平常
以上官員賢否非臣職分當言緣係欽遵

諭旨謹繕摺奏

聞謹

奏

豈惟總兵大員凡食祿者皆有當言職分但將公私二字要辨別清楚耳

直隸正定鎮總兵官臣楊鯤謹

奏爲奏明事竊臣至微至賤荷蒙我

皇上簡任重鎮日夕惴懼恐負

聖明惟有事不敢欺隱備達

天聽仰遵

皇上訓誨指示竭力辦理庶臣愚昧之人獲免隕越矣
謹將所有事宜敬爲我

皇上陳之

一正定鎮荷蒙

諭旨復設總兵其官弁兵丁俱循舊例添設所有原額馬步兵丁共二千九十五名今現有馬步兵丁一千八百六十名尚須添馬步兵二百三十五名部議即令於所屬各營內酌量抽撥照數補足惟是正定既已改鎮統轄遼濶其馬步兵丁雖照舊額添設除撥給龍固營守兵三百名又分防州縣外汛共兵一千一百九十六名外實在標下存城兵止五百九十九名縱改銜缺仍是汛廣兵單其於

汛防操練之處究竟不敷分撥替換臣請於原額馬步兵二千九十五名之外再於所屬各協營內抽撥守兵二百零五名以足二千三百之數則存城有馬步兵八百零四名庶幾兵勢少振得以輪換更替操練有資其於汛防巡查不致廢弛矣臣

未敢具本謹先繕摺

具

疏題來該部議覆後朕再裁酌

奏明是否可行伏乞

聖明指示

一臣回京之時經由滇黔楚豫沿途所過塘房烟墩俱各新鮮堅固及過黃河至淮慶鎮地方墩臺便已倒塌不堪汛兵空虛無人迨入直隸所在塘房烟墩悉皆倒壞今蒙

皇上隆恩授臣正定總兵莅任便道復將經過塘汛再爲查看坍塌之處難以指屈目下酌議修理自不可緩但事隸有司臣謹將倒廢緣由除具本

知道了
題明外合併摺

奏

一正定城池屏障

畿南實爲重地臣於到任後閱城見東門一扇損壞不能啟閉週圍城垣俱被雨水衝刷坍塌甚多目下加緊修築計工需費已自不少若再遲緩則磚牆外額工程更大必致多糜錢糧臣既身任封疆不敢不據實奏

城池塌損不止此一處朕久已知悉聞仰祈

聖鑒

一正定兵丁分防外汛已去三分之二存城無幾官兵懶惰偷安從不知操練技藝以故甲械旗幟十缺八九除一應旗纛臣與將備等公同商酌捐俸製造外所有兵丁什物以及盔甲帳房朽敝無存營伍中幾分空糧原係不可少者爾當斟酌計算收拾製造需費無可著落臣聞各關營內

將紫荊等數關亦併交爾以羨餘等項作為營伍之需巡撫管轄不開外臣所屬之固關龍泉倒馬茨溝

可乎

但不知此數開隘營汛是否爾所統轄

插箭嶺五處每年抽取過客定額共計一千零一

兩八錢解交藩庫此外羨餘約畧相等臣尚未確

查關稅始末但各營既有此項出息不應令該將

備等潤其私橐擬將所有羨餘盡行歸公以爲製

辦軍裝之費是否可行伏乞

聖明指示

以上四條均關地方營制臣冒昧奏

聞伏祈

皇上睿鑒謹

奏

覽

直隸正定鎮總兵官臣楊鯤謹

奏爲奏明事竊查武職親丁名糧總兵舊額六十分
副將三十分臣到任之日據中軍遊擊開送前任
副將存留親丁名糧三十分到臣伏念臣受

恩養四十餘年每慚虛糜廩祿旦夕難安所有親丁

糧三十分應否存留

賞給臣之家人長隨出自

皇上天恩臣未敢擅便爲此具摺

奏明謹

奏

名糧止於此數可謂第一清廉總兵矣何須奏請

直隸正定鎮總兵官臣楊鯤謹

奏爲奏明事竊臣請以各營抽收關稅羨餘歸公制

辦兵丁什物盔甲帳房等項荷蒙

皇上硃批臣查關稅羨餘既已歸公該管將備無所沾潤未免失意若將稅務仍專屬該將備抽收恐致隱漏侵蝕以及額外多抽臣今以固關龍泉二處委令臣標左營遊擊胡兆吉倒馬茨溝二處委令右營遊擊董芳各選殷實老成之人前赴該關協同監收其插箭嶺一處臣委人前往監收除將原額正項解交藩庫外每年共計可得羨餘銀二千

餘兩俱令解交臣標中軍遊擊胡兆吉經理每屆
一年臣將實在羨餘數目摺

奏一次庶有稽核其什物盔甲帳房等項製完之日
臣逐一開銷摺

奏竝將以後節年羨餘作何解交存貯之處一同請
旨再查紫荆馬水白石沿河等關口原係正定鎮所轄
地方康熙二十七年改隸巡撫今不屬臣管轄茲
蒙

硃批合併奏明又臣查營中凡霜降開操祭旗揚兵犒
賞以及雜項公費亦繁不能在在捐備正定新設
鎮制公費名糧尚未酌定俟抽撥兵丁到日容臣
再爲斟酌另摺

奏明謹

奏

所奏知道了

直隸今歲盜案甚多畿輔地方尤爲緊要可竭力嚴督

緝捕巡防

直隸正定鎮總兵官臣楊鯤謹

奏爲恭繳

硃批諭旨事竊臣前奏覆關稅羨餘摺內奉到

皇上硃批仰見我

皇上宵旰憂勤無時不以民生爲念臣職任地方未能

安民緝盜以致上廛

宸衷惶懼汗浹寢食難安誠無地可以自容臣自抵任

後查檢春夏以來盜案叅劾疎防卽慮地方宵小
滋害屢經出示各汛竝飭所屬協營務必實力防
範設法巡緝復又製就大小巡哨令旗分發各屬
嚴督在汛弁目逐日持旗各於所管之道路村莊
來往遊巡臣復委員總巡各屬務期盜息民安至
於積盜窩家率與有司之慣捕人役潛通線索若
非捕役實心訪拏驟難得其巢穴是以臣竝移咨
督臣李紱飭行文職嚴拏窩盜所有緝獲賊犯亦

必嚴究根底研審確情不得規避處分巧爲諱飾
以竊完案庶盜賊斂跡今兩月以來民間秋稼登
場鼠竊狗偷之輩漸覺稀少但轉瞬入冬巡防更
宜嚴密臣惟有殫心竭力督率弁兵不敢一時弛
懈以求仰副靖盜安民之

聖心而已所有欽奉

硃批原摺理合恭繳謹

奏

弭盜自當以訪拏窩家爲要風聞真定縣有一積窩朕已密飭步軍統領專差番役往拏爾宜留心伺察蹤跡從來武弁每推諉捕役而文員又以緝拏爲兵弁專責似此皆非實心辦公之道果肯實心任事文武各有責成豈容推卸嚴督緝拏不如密察巧捕方有實濟此事密之毋將朕諭宣露於外

直隸正定鎮總兵官

臣楊鯤謹

奏爲奏明事竊正定城垣所在倒壞荷蒙

皇上垂念右輔重地遣派章培基潘沅父子等效力修
理其一切城工交臣監管臣因工程浩大智識短
淺今效力人員雖未到工所有城工情形及修理
事宜謹先逐條繕摺并繪圖恭呈

御覽伏祈

聖訓指示庶臣有所遵守至於臣係奉

旨督修之員自宜秉公無私於動工之日即率同在事
人員虔詣隆興寺焚香設誓如有利慾薰心希於

此中染指分文以肥私橐者

國有顯戮諒無所逃其效力人員更應仰體

皇上宥罪鴻慈竭力報效倘或支飾推諉巧計延挨臣
即指名嚴叅爲此繕摺恭

奏伏乞

睿鑒謹

奏

工程可以將就處固不必糜費但增培單薄安能久固

不可草率從事惟圖目前之節省總期適中得當一勞
永逸方好所奏各條并圖樣俱悉至於此中染指等語
許國桂黃廷桂二人公私之報應判然可鑑諒爾斷不
肯負朕也

直隸正定鎮總兵官臣楊鯤謹

奏爲奏明關稅羨餘銀兩數目事竊臣因標下兵丁
盛甲帳房多係朽敝無項捐製請將所轄固關等
五處營備所管抽收稅羨歸公製辦軍裝當於七

月內具摺

奏明荷蒙

硃批臣即檄令五關營遵照去後茲據各關營按季解到雍正四年分秋季八九兩月冬季三箇月除額稅正項外共解餘羨銀二千三百兩零臣俱批發中軍遊擊胡兆吉收貯現在製備兵丁盔甲帳房俟造完之日銷算清楚另摺奏

聞再臣更有請者查五關營所解餘羨未及半載已有

二千三百餘兩臣標製造兵丁盛甲帳房諒已足
用不須再爲存貯今自雍正五年爲始每歲解交
餘羨約計可得四千餘兩無處支用似應仰祈
聖恩嗣後每於年終准令解交

內廷克用可否允行伏乞

睿鑒謹

奏

既無處支用當與督臣李紱商酌以爲煙墩戍兵住房

之需或留爲幫貼修城之用俱可爾之經管屬員亦令其少得從容爾更酌量有何動用之處具摺奏聞解交內廷克用之奏殊爲大笑話矣不可

直隸正定鎮總兵官臣楊鯤謹

奏爲奏明事竊正定城工情形修理事宜經臣具摺奏明茲於歲前十二月二十二日有潘沅之子潘景儀到工臣即於二十三日傳至公所相見令其星速預備磚灰物料春融即應興工復於二十八日

將城工西北二面通共計長一千八百三十六丈一尺其中坍塌坐裂顛壞之處逐一指明交與修理但該員到工之後臣留心察看觀其少年虛浮僕從一二人寓所又不嚴密誠恐該員攜來效力貲本防範不謹致啓宵小覬覦之心因令營員會同正定知縣親詣該員寓所面商令將貲本交貯縣庫俟動工之日支用以免疎虞當據該員面稱伊雖效力前來實係素手竝未攜帶分文無物送

貯等語臣現今委員節次催辦物料該員尚無預備合併

奏明伏祈

皇上睿鑒謹

奏

亟加嚴催如再諉延即據實題叅交部重處

直隸正定鎮總兵官臣楊鯤謹

奏爲奏明事竊潘景儀玩誤城工經臣叅奏業已遵

旨解交刑部監禁在案伊父潘沅於本年四月初五日
解到工所臣即飭令多備物料上緊修理當據報
稱於四月十一日興工臣查其所備磚灰零星買
辦每日用大小工三十餘名尚不能接濟應用臣
再四嚴催潘沅始猶支吾今則堅稱實在無力修
理等語似此動工伊始便已推諉臣何敢聽其延
挨除已另疏

題叅外相應

奏明謹

奏

知道了應叅劾者

直隸古北口提督臣楊鼐謹

奏爲奏明事竊臣荷蒙

天恩補授提督所有古北自來傳留親丁步糧六十分
臣謹照例存留養贍家人長隨此外協營臣不敢
私占一分名糧亦不敢需索絲毫規例相應

奏明至於臣標兩營舊有斗子一項歲收所入可得
四百餘兩留爲營中公用前提臣宋可進

奏請禁革另於兩營請設公費步糧十四分奉

旨斗子一項年深日久仍留與營中公用公費糧亦准
行欽此仰見我

皇上聖明洞鑒無微不照而宋可進莅任十日旋調甘
州提督未及細查營中經費又復回

奏請將十四分公糧停止設立在案惟是提標兩營

每年春秋二季兵丁應備火藥鉛彈兩次開操揚
兵犒賞霜降迎神以及修補解署軍器一切雜用
等費皆係不能裁節之項臣蒞任古北預將每年
所收斗錢數目與兩營應需公費銀兩通盤核算
實有未敷謹將前後情節備細陳明可否

准於斗錢之外仍於兩營一千四百名兵內共留步糧
十四分

賞給臣標添辦公費庶營中經用有資

天恩出自

聖慈爲此繕摺具

奏伏乞

皇上睿鑒謹

奏

所奏是知道了

中軍叅將等員一摺交部議行

直隸古北口提督臣楊鯤謹

奏爲恭

進瑞穀事竊

臣

古北所屬地方今歲秋稼豐稔倍常

茲於八月十六日據外委張福秀呈驗大店子一

帶所產瑞穀雙穗三穗者到

臣

敬謹封固恭

進

御覽爲此繕摺謹

奏

穀有至十三穗十五穗者矣此雙穗三穗何足紀異耶

直隸古北口提督臣楊鯤謹

奏爲冒罪瀆陳仰懇

聖恩事竊臣俯查定例凡武職調任一次即准加銜一
等臣由雲南曲尋鎮荷蒙

天恩特調正定新設總兵似與緣事離任調缺者不同
臣當即呈請兵部照例加銜部議以臣係奉
旨另用未准加給今臣過邊

恩眷擢陞古北提督任內所領劄付仍係副將職銜用

敢不揣冒昧仰懇

皇上天恩特施

異數量准加銜可否出自

聖慈微臣不勝惶懼悚慄之至謹

奏

楊鯤似應予加銜該部查議具奏

直隸古北口提督臣楊鯤謹

奏爲詳陳提塘虛冒剋減之弊以清積蠹以肅

功令事竊臣查得直隸提塘抽調臣標所屬密薊永
昌四協營守兵共二百六十二名安設古北所屬
地方沿途傳遞京報公文名曰京塘撥兵蓋自古
北設鎮之初便已安置此項兵丁統歸提塘管轄
永不赴營查點凡更替放餉均係提塘之事並不
經營員之手其撥兵何人設撥何處差使有無苦
累餉米曾否支給營員總不與聞臣抵任後選差
幹練千把會同按撥密查所有二百六十二名兵

數之中查出該提塘虛冒無人者五十名其餘所
設現兵半皆雇覓鄉民頂替每季散給餉銀每名
俱各尅減自二三錢起以至二兩二三錢止多少
不等約計每年侵蝕銀兩不下一千三四百金蠹
餉病兵莫此爲甚臣愚以爲提塘之設不過令其
齎

進本章投領部文而已所有臣標各處撥兵相應停
其管轄聽臣責令密劄永昌四協營各於該管汛

地及應設之處酌量安設彼此通融接應傳遞不
過一百五六十名即足布置餘皆撤回原汛以實
營伍其餉銀米折各該營按季差官派撥親自給
散即令就便查驗如此則虛兵冒餉扣剋頂替等
弊咸可杜絕矣至於提塘料理本章部文既有奔
走之勞且每年送看報鈔不無紙墨之費臣擬於
四協營中每年各捐一百二十金共給銀四百八
十兩資其養贍以便驅使抑臣更有請者臣標撥

兵如此則直隸各鎮協營其抽調者亦自不少倘可盡行改歸各營自爲安設彼此鄰汎通融傳遞足以省兵清餉甚似有益臣雖非節制全省提督但忝爲各鎮表率不敢以越俎自嫌相應一併冒

昧陳

奏是否允協伏乞

皇上睿鑒謹

奏

觀爾料理諸事頗屬公直今命爾節制全省矣其通盤
籌計摺奏以聞但一切不可過刻惟務秉公酌中整飭
廢弛剔除陋弊而已何必多事搜求耶

直隸全省提督臣楊鯤謹

奏爲奏明宣鎮火藥銀兩事竊宣化鎮臣李如栢奏
將該鎮製造火藥羨餘銀兩歸公存貯一摺奉

旨令與臣商酌欽此移商到臣查得宣鎮每年演放
礮位共需火藥三千二百餘斤舊係宣府所屬各

州縣輪流製造開銷正項銀六十二兩嗣因州縣造不如法恐誤軍需每藥一斤折銀一錢六分共折銀五百一十三兩除開銷正項銀六十二兩外餘銀係州縣賠墊交納宣鎮衙門自爲製辦然此項火藥計費工本實止用銀一百二十八兩有零其餘銀兩向皆歸入鎮臣由來已久今鎮臣李如栢以雍正五年所有羨餘業已捐造烏鎗請自雍正六年爲始俱歸公存貯原爲營伍起見但臣細

查州縣解交火藥銀兩現今俱稱不便仍願輪流
自辦以免賠累臣仰遵

聖訓事事期於秉公何敢因營伍沾有羨餘之利而令
州縣長貽賠墊之繁用是詳爲籌酌莫如將前項
火藥查照往例咨明督臣准令州縣照舊輪辦方
爲妥協但恐文員自製而營員又指稱造不如法
致有刁難亦未可定臣擬於每年製火藥之時即
令宣鎮委員監同製造庶無藉口如此則營中之

火藥不誤而州縣之積累亦除所有李如栢請將
羨餘存貯之處似可毋庸置議也爲此繕摺謹

奏

覽見爾此奏甚公與該督酌議妥確而行可也

直隸全省提督臣楊鯤謹

奏爲酌請廢弁入伍以慎人才以勉後效事竊查千
把一項原係微員然兵丁出身行伍由此進階多
有洊厯提鎮大員者是誠鼓舞戎行造就人才之

路也但其職銜卑小易遭斥革內中如有因公累
誤而平日爲人勤慎有志向前弓馬漢仗又皆優
卓者槩以緣事被黜營中拘於廢弁不便復令食
糧遂至閒棄終身殊爲可惜臣仰體

皇上慎重人才至意請將嗣後革職千把內遇有因公
累誤平昔勤慎才技優卓者仍准令收伍食糧俾
得再圖進身之路庶人才不致淹沒而此輩感激
思奮益必勉圖後效矣臣因人才起見可否採擇

伏乞

皇上睿鑒施行謹

奏

此奏得理可嘉之至朕忻悅覽之已有旨諭部矣

直隸全省提督臣楊鯤謹

奏爲遵

旨商酌仰祈

睿鑒事竊照正定鎮臣張起鵬因鎮標千把兼防二三

州縣不等請於馬兵內照運糧隨幫之例選委署把總協防效力每署把總一員該鎮願將親丁糧賞給二名以資養贍等因具摺陳奏奉

硃批朕意只在得人實力奉行不必只管更張再與楊鯤商酌欽此密商到臣悉心籌酌查正定千把兼防二三州縣者地方固爲遼濶但每州縣之中均有外委百隊帶兵協防今於千把外再設置把總既非經制之官仍與外委無異添設殊覺重複伏

讀

硃批上諭洵爲至當不易臣等提鎮果與將備千把彈
心實力各盡職守地方自獲寧謐似不必過爲瑣
瑣更張也再該鎮又稱深州地方向有右營守備
駐防彈壓此一汎應令守備爲專汎等語查守備
爲一營中軍凡兵馬錢糧皆當綜核操練今若令
其專汎一州是千把反有三州縣之責而守備
竟可安坐無事亦不便聽其如此曠閒理合具摺

奏明伏乞

皇上睿鑒謹

奏

所奏甚與朕意相合知道了

保題守備一摺交部矣

直隸全省提督臣楊鯤謹

奏爲奏明事竊查虛兵冒餉營伍首禁臣凜遵

聖訓屢行嚴飭今有昌平營叅將巨有德於額食親丁

糧二十名之外違例令其家人占食馬糧一分守糧六分又娶民人楊姓之女爲妾將妾之父兄頂名食糧以資養贍臣察訪正確旋據該將亦行具稟自首前來查巨有德料理營伍頗爲練習今就事指叅似非深體

聖心容其改悔自新之至意但臣近於欽奉

上諭事案內將巨有德填註考語列爲一等會同督臣宜兆熊等咨送兵部添寫履歷

進呈在案今該將有干功令臣何敢瞻顧緘默相應
預爲

奏明自行檢舉請將微臣冒昧列等之處
敕部嚴加議處至於巨有德前由守備荷蒙

皇上特用叅將自應感奮圖報似此居官不潔實爲有
負

聖恩應否聽臣繕疏

題叅竝祈

睿鑒批示遵行謹

奏

姑寬題叅嚴飭伊改過自新至於開列等次已有旨諭部俟部文行到遵旨改列咨明可也

直隸全省提督臣楊鍾經謹

奏爲撤回京撥兵丁以實營伍事竊臣前奏直隸提塘抽調各營兵丁一摺奉到

硃批臣即加謹籌酌務期省兵清餉因查外省塘兵俱

各兼送武職文報通融接遞從無各營專設送文撥兵之事今直隸沿途均有塘兵若亦令其兼送武職文報洵屬便宜所有京撥兵丁自可一槩撤回臣隨咨行各鎮協應照此查議去後陸續准據鎮營查覆前來除正定宣化二鎮保定紫荆馬水沿河白石等營原無京撥名色無庸置議其津鎮雖有抽去京撥兵五十八名爲數無多且有現在營中支餉點驗者亦不必另爲更定外惟有提屬

密薊永昌四協抽去京撥兵二百六十二名馬蘭

鎮屬抽去京撥兵八十名茲據該鎮協營俱稱奉

查塘兵兼送武職文報儘可通融接遞京撥可以

節省歸營極爲有益今已按名撤回均於本年四

月初一日招補入伍等語據此以上共撤回撥兵

三百四十二名但提塘供送四協營報鈔均需工

墨齋進本章竝投領部文亦資奔走不可不酌給

工食臣請即於四協營撤回之撥兵中存留三十

二名不必招補每年約得餉銀四百八十兩以爲
賞給提塘工食之用如此庶提塘得以竭力辦公
而糧餉亦不致多占虛糜矣相應據實

奏明至於存留名糧賞給之處是否可行伏乞

聖訓指示謹

奏

此事料理得中殊屬妥協知道了

直隸全省提督臣楊鼐謹

奏爲奏明事竊臣前在正定總兵任內查出所屬固
關龍泉倒馬插箭茨溝五關營抽收馱稅均有餘
羨經臣具摺奏請歸公製辦軍裝在案計自雍正
四年八月初一日起至十二月終止五關營解完
此五箇月正額共收餘羨銀二千三百兩有零臣
因念五箇月所收餘羨如此以此計算每年五關
營除正額解費人役飯食之外約計餘羨可得五
千餘兩臣於雍正五年五月內陞任古北各關稅

務交鎮臣張起鵬接任經營茲臣節制全省又據各關營報到雍正五年四季分賦稅正羨數目到臣當經詳細核查五關營除解正額外共計一年連閏十三箇月止收餘羨銀二千一百四十六兩較臣任中五箇月所收之數尚少銀一百五十六兩且此二千一百四十六兩之中其春季仍係臣任內經營曾收過餘羨銀九百五十六兩有零夏秋冬三季張起鵬經營實止收過餘羨銀一千一

百九十兩是其三季所收之數止畧浮於臣一季所收之數在張起鵬即無通同侵蝕而其漫不稽核博取寬大之名致有隱匿之弊臣實不能代爲置辯矣再五關營中除茨溝餘羨無幾不議外查雍正五年四季分固關叅將傅爲斗共解過該關餘羨銀九百一十九兩零實係儘收儘解其龍泉關遊擊牛洪解過該關餘羨銀三百二十兩零雖亦不無侵蝕尚自有限惟有都司曹維坤所管倒

馬關等處來往駄貨最多每年所出餘羨可得二千餘兩今查該都司所報雍正五年四季餘羨止五百七十餘兩顯有侵匿情弊又插箭嶺餘羨銀兩雍正四年五箇月解過餘羨銀四百一十九兩零今雍正五年四季守備魏應政止解餘羨銀二百九十三兩零侵匿亦屬過多似此隱蝕劣員均難姑容所有都司曹維坤守備魏應政應否據此題叅伏乞

皇上睿鑒批示遵行再曹維坤係貴州武舉曾克蔡珽
長隨合併

奏明謹

奏

叅奏張起鵬之處甚是已有旨矣如此毫不瞻顧秉公
無隱朕實嘉之此摺所奏皆汝分內應辦之事看其中
情有可原人尚可用者嚴加訓飭以戒將來其情由可
惡如曹維坤輩即行具疏題叅可也

直隸全省提督臣楊鯤謹

奏爲恭謝

天恩事竊臣家人等於四月十五十六兩日齋摺回敬
捧

皇上賞賜御磁一匣芥茶二瓶到臣當即出郊跪迎至
署恭設香案望

闕叩頭謝

恩祇受訖伏念臣質同瓦賤材似樗庸何期兩日之間

疊拜

九重之錫感洵莫罄報實無由臣惟有凜簋簋之明箴
傳家世寶滌心脾之積垢決髓淪肌而已爲此繕
摺恭謝

天恩伏乞

皇上睿鑒謹

奏

覽

閱爾保舉爾子楊先榮之摺朕甚嘉悅如此方爲能體朕心也從來知臣莫若君知子莫若父爾必深信無疑始敢具保諒爾子必不負朕調來一看自知爾若於滇省未置產業何不令爾子移家北來朕欲另用爾子於別省俟爾寄信往滇遲一月後朕然後降旨否則恐爾家信反後期矣

直隸全省提督臣楊鯤謹

奏爲奏

聞事竊臣於本年八月十三日據分防虎什哈把總于
彥稟稱有一人約年三十餘歲來跡可疑歇在白
岩子三旗王姓人家把總令房主密察動靜據房
主口稱訪得此人是巡按老爺姓陶又聞有一位
姓苗的早分路往歸化城去了昨日有報子來回
話云苗老爺吩咐各人奏各人的事等語隨後陶
巡按將把總傳去吩咐聞你已經知道我了恐你
稟報提督竝十汛官員知道不便你切不可洩露

等語把總理合密密具稟等情到臣據此臣查巡

察順永宣等處御史臣苗壽陶正中等現由居庸
關一路巡視前進何得獨行出口必係假冒當即
密遣弁兵粧扮行客尾隨探聽防其遁逸一面差
人星赴昌平打聽巡察經過信息去後又於十六
日晚刻據把總于彥稟稱陶巡按於十四日晚騎
馬到營房要看兵射箭吩咐兵丁許多查汛當差
的好話把總送回他去又聞房主王姓有分家聚

單一紙上面有他的圖書把總將此聚單誑出細看字跡圖書甚有可疑又據房主口稱過了十五就要起身進京等語同時又據昌平營叅將巨有德稟稱查有巡察御史苗陶二位於本月十二日進居庸關今現按臨昌平卑職俱經謁見等語據此則口外陶姓巡按實係惡棍克冒隨即遣員飛拏當於十七日晚將假冒巡察之犯人談仲武竝窩家王德隆并子王永福一併押解到臣衙門除

將該犯并窩家先行解送刑部究審尚有該犯結
拜之張秉琯報子梁興旺亦經密差查拏獲到另
行送部外臣謹繕摺奏

聞伏乞

睿鑒金謹

奏

查拏惡棍甚屬可嘉據奏從前來跡即應查拏有何可
疑縱係真巡察如此舉動亦當參究但不知此惡棍假

冒巡察意欲何爲曾訊供否

直隸全省提督臣楊鯤謹

奏爲奏明事竊查津正宣三鎮派出操車兵丁經臣摺

奏請將教習三等侍衛馬國奇藍翎陳如雄劉順每鎮分送一人前往督率操演去後茲據三鎮咨呈俱稱所派車兵今已學習熟諳除將各兵發回原營外所有教習侍衛藍翎相應咨回等因到臣

查各鎮應操車兵既已遵式演熟其教習侍衛等
自當仍送回京惟是臣見馬國奇陳如雄劉順三
人年力俱各精壯教演車兵亦復勤敏有法臣爲
營伍得人起見可否仰懇

天恩請將馬國奇等三人

賞留臣標其三等侍衛遇遊擊缺出藍翎遇都守兩缺
出照例以次

題補將來或有驅遣之處庶幾駕輕就熟可收臂指

之效矣謹

奏

此三員原係侍衛中之好者仍遵前旨行

直隸全省提督臣楊鯤謹

奏爲恭懇

聖慈賞留幹員事竊查正定鎮屬廣平營守備党彥人
材精健諳練營伍又正定鎮標左營千總王帶巡
查道路勤力小心人亦熟練可用茲因肥鄉縣崇

明寨村外賊犯張瞎倫搶奪賣麻人錢文一案肥鄉專汛把總鄭觀諱匿不報業經據揭

題叅署廣平守備事千總王帶現任廣平守備党彥失於覺察亦經附叅在案今臣接到部文所有守備党彥署守備事千總王帶均因此案降調伏查定例所在臣亦何敢回護竊念該弁均係幹練勤敏之員因公罣誤情有可原用敢仰體

皇上愛惜人材至意恭懇

聖慈可否仍將党彥王帶准其降調仍留原任俾圖後效抑或

賞給臣標遇有緊要相當之員缺另爲

題補爲此恭請

訓旨施行謹

奏

照提督楊鯤所請准仍留原任該部知道

直隸全省提督臣楊鯤謹

奏爲奏明事竊今歲直隸年景十分豐稔而口外各處收穫尤倍於常惟是熱河十汛旗民雜處環繞皆山臣從未一至其地所有汛防要隘必得親身查閱方能周悉情形且樂歲豐裕之秋臣爲遍歷問閭亦可少資彈壓但事關出口巡查未敢擅便理合

奏明伏乞

皇上睿鑒施行謹

奏

爾所屬營汛在彼應當前往巡查

直隸全省提督臣楊鼐謹

奏爲酌調幹員以裨營汛事竊通協所屬張灣一營
水陸交衝守備一官既有防範操練之責更有催
趲漕運之任必得勤敏強毅之員方可肆應無誤
現今出缺應聽部選誠恐人地非宜未免又滋岐
誤臣查有廣平營守備党彥歷任通協天津千把

熟諳催漕勤於捕緝以之調補張灣營守備洵爲
駕輕就熟可收實效所遺廣平營守備員缺汎地
遼濶稽察匪易仰懇

皇上天恩俯賜揀補一員更於營伍有益爲此繕摺請
旨謹

奏

以党彥調補此缺洵屬人地相宜照楊鯤所請行該部
知道

直隸全省提督臣楊鼐謹

奏爲仰請

簡補守備以收實效事竊黃花路守備李漢魁尅餉虛
兵不理營伍現據查出劣蹟經臣疊疏嚴叅在案
伏查該路四面環山邊隘險要當此劣員偷安侵
冒之後非得才堪料理潔己自愛之人無由整頓
改觀以收實效茲臣查有標下左營千總韋正年
力精壯技藝優嫻而且勤慎自持辦事明白似於

黃花路守備一缺可稱人地相宜仰懇

聖慈將千總韋正

恩准臣送部引

見其可否

簡補黃花路守備之處

天恩出自

聖裁謹

奏

將要地需人情由聲明送部引見候朕酌定

直隸全省提督臣楊鯤謹

奏爲請

旨事竊照總兵額食親丁糧六十分此雖定例所在然
必因地酌量先圖

國事後計身家原非必不可少之數而斤斤求盈以
期滿願者也即如正定一鎮設立伊始臣莅任之
初查悉汎廣差繁誠恐多占一糧即少一兵之用

是以只將副將原食額糧三十分留爲養廉不敢

以改設總兵多增一分迨至張起鵬接任復又摺

汝及張起鵬二人節省雖屬可嘉未免近於矯廉魏麟

奏願將此親丁糧三十分中捐出一十六分請設署

雖似覺可鄙亦非過分但觀其後效何如耳

把總以資養贍在張起鵬家道優裕固應以三十

分爲多在臣家口百餘茹飯食蔬亦未嘗以三十

分見少也昨臣會審赴涿適遇新任正定鎮臣魏

麟路過相見面向臣云我食親丁名糧不足定額

我家口四十餘人必足六十分方可養活等語臣

答云我在正定時三十分糧曾養百十餘人今貴鎮四十餘人反不能養活耶若必要食足六十分我不敢擅便非據實

奏明不可臣於彼時心甚薄之茲於十月初四日又據魏麟咨呈內稱本鎮恭赴

圓明園蒙

恩召見賞加養廉糧三十分連舊有糧共六十分應俟開除空缺陸續補完等因前來因事關開食兵糧

臣未奉有

上諭不敢遽爲咨覆相應將前後情節據實繕摺請

旨謹

奏

親丁名糧原係朕詢及賞加非魏麟自請也凡爲提鎮者果能守此數十分名糧知足而不分外貪求則亦可告無過六十分糧賞伊用度再觀伊作何施設行爲朕所重者在彼不在此也

直隸全省提督臣楊鼐謹

奏爲請補都司以勵實心之員事竊查倒馬關都司一缺經徵馱稅須操守廉潔方於

國課有益前任都司曹維坤抽收雍正五年馱稅經臣以侵匿額外餘羨糾叅在案所遺員缺當委

命往直隸以都守兩項補用之藍翎黃正前往署理該員到關任事即將曹維坤任內侵匿實據徹底查出尚有隱占名糧亦俱指報不諱署事半載以來

辦理勤敏臣核其所報正羨課稅儘收儘解分文不染洵屬實心任事其倒馬關都司雖經部選有

人迄今尚未到任臣因黃正人地相宜仰懇

但恐實授後未必能始終如是當留心察之
聖慈請將黃正實授倒馬關都司勵其操守益當感奮

所有部選之都司寇廷輔臣俟其到直再於通省都司缺內酌量請補一轉移間可收得人之效矣
謹

奏

照提督楊鯤所請行該部知道

直隸全省提督臣楊鯤謹

奏爲查明通省墩塘數目條陳愚昧之見應否舉行
恭請

聖裁事竊惟直隸一省地稱首善萬國車書咸來會集
所有沿途墩臺塘房不但嚴謹斥堠所以肅清
畿輔抑且飾觀壁壘正以崇壯

帝都也我

皇上明無不照洞悉直隸墩塘所在頽廢武職力難興
修有司虛應故事兵丁無寧居築舍無成功者非
一日矣臣於去冬進

見荷蒙

聖慈垂詢未得詳細陳奏今謹將通省墩塘查明數目
分別衝僻酌量應修應省之處調停興工保固之
法以及責成交代並倡率種柳各事宜逐條繕寫
清摺恭進

御覽臣愚昧之見總期一勞永逸不致虛糜錢糧但所費浩繁未便輕舉是否可行仰冀

聖訓指示謹

奏

已交怡親王大學士詳議具奏矣

直隸全省提督臣楊鼐謹

奏爲署鎮不勝重任仰祈

聖裁事竊查直隸四鎮之中惟天津控要海陸幅員最

廣漕運往來旗商雜處必得嚴明幹殺之鎮臣以爲表率方於重地有益臣查署鎮張三讓識闇才淺凡遇將備稟白公事茫無主見不能決定機宜訥訥在口終欠明白所屬員弁均無敬憚畏服之心又該鎮於本年正月內散放春餉竟將標下三營步兵每名扣銀六錢二分製辦各兵號衣並不軫念窮兵艱難致多嗟怨茲因臣有聞見始將所扣銀兩於二月內復行散給殊非實心急公之義

臣思鎮臣關係封疆天津實屬要地合無仰懇

天恩另賜

簡用賢員以資料理張三讓仍令回原任庶巖疆不致
貽誤矣爲此繕摺謹

奏

所奏是張三讓實不稱職俟斟酌得人時有旨

直隸全省提督臣楊鼐謹

奏爲微臣受

恩愈厚圖報彌殷俯竭愚誠仰祈

睿鑒事竊查直隸一省蒙我

皇上垂念政務殷劇旗民繁雜故總督設正協兩員以
資辦理無非因地制宜之良法也臣質庸材菲仰
荷

聖明簡署除現在繕疏恭謝

天恩竝報起程日期外惟是懼不勝任感悚靡寧伏念
有督臣劉師恕共相助辦心力可分良多欣願但

臣素性介直事無回護抵任之後止知矢報

皇上天恩顧忌瞻徇萬不敢有誠恐機務繁多臣等雖不敢不盡心公辦然意見難以相同則遇事不無踟躕賢愚各有鑒別則用人恒多牽顧利害既有分責則行止必多推諉勞怨不肯獨任則是非兩有遷就況臣兼辦提督事務胥吏兵役各有關防不能同居一署應辦文案兩處送閱恐有乘隙漏洩之弊屬員分頭稟話來往傳聞亦難商訂畫一

事事預籌均慮首鼠臣若避嫌隱默以致臨事岐
誤在臣戴罪何辭惟是上負

聖主倚任之重臣益不能自容於世矣倘蒙

皇上垂念總督重務宜與專責臣雖駑駘衰鈍自當竭
蹶奮勉以期集事不刻求不姑息秉公持正獎勵
人才如有擅作威福恣意自便之處

聖明遠照無遺咫尺何能遁免其有事體重大知識不
及者臣即具摺恭請

聖訓以便遵行臣以任大責重期盡血誠謹將愚昧之

衷據實密

奏伏乞

皇上睿鑒臣無任悚慄屏營之至謹

奏

覽所奏足見一片誠實報效之心深爲嘉悅朕亦正有此意但地方事務頭緒殷繁初到未必即能周悉且協同辦理月餘候朕另有諭旨爾來京見朕再赴新任

署理直隸總督事務提督臣楊鯤謹

奏爲奏明盤查藩庫事竊查督臣蒞任例應盤查司庫臣於本月二十三日公同協理督臣劉師恕親往布政司衙門將庫貯一切正雜錢糧共銀一百四十餘萬兩抽鞘彈兌每百兩元寶內短銀自一錢至二三四六七八錢不等詰問楊紹據稱凡一應收兌錢糧向係庫大使執平彈兌訊之庫大使龐汝霖自認不辭明有以輕報重朦混收兌營私

肥己之處臣即將龐汝霖摘印發縣收羈隨即委員前往龐汝霖衙門查出現銀一千九百餘兩金四兩有奇并借給各舖戶銀三千兩此外尚有銀器衣服等項臣俱一併飭交保定知府李正茂分別貯庫其缺少銀兩細數俟新任布政司王謩到任再令逐一彈兌明白轉報外查庫使微員需司收放而龐汝霖敢於朦混蓄有家財似此營私敗檢之員臣實不能容其安享楊紹職司錢糧不能

察覺庫使致令欺蔽洵屬誤公除現在繕疏一併
嚴叅外臣謹據實

奏明伏乞

皇上睿鑒謹

奏

糾劾甚當王暮乃一幹員但慮其科甲習氣未除不能
殫心竭力以任事耳於伊抵任後其再三勗勉之如有
因循瞻顧沽名釣譽之處密奏以聞

署理直隸總督事務提督臣楊凱謹

奏爲仰懇

聖恩俯准賞補守備事竊查直隸督標右營守備現今懸缺臣抵保定閱看督標兩營兵丁技藝生疎急須訓練非得敏幹之員無由整頓茲臣查有密協右營千總王之琳辦事向前熟諳營務現今隨臣在保其於督標右營守備員缺足稱人地相宜以之補授必收臂指之效用敢仰懇

聖慈將王之琳准臣送部引

見可否

簡補督標右營守備之處

天恩仍出

聖慈爲此繕摺謹

奏

王之琳照該督所請補授仍著來京引見該部知道

署理直隸總督事務提督臣楊鯤謹

奏爲奏

聞事竊查直隸地方土脈堅厚今歲屆春以來雨雪調暢昨三月初一二日京北永宣等處復降瑞雪自一尺以至二尺不等京南各府時雨普沛均報霑足土膏既融民事畢舉所有通省雨雪霑足情形理合具摺奏

聞謹

奏

但能以忠誠上對

彼蒼自無不垂佑之理期與爾共勉之

署理直隸總督事務提督臣楊鼐謹

奏爲恭謝

天恩竝懇

聖慈事竊臣次子千總楊旭前因俸滿經臣具摺

奏請仍以千總留標奉

硃批送部引見後朕再賞與汝欽此欽遵當即給文赴

部茲於三月初九日荷蒙

特旨補放廣東提標後營守備聞

命自天感激無地臣隨恭設香案望

闕叩頭謝

恩訖伏念臣子豚犢菲材渥膺

寵眷舉家身世捐糜頂踵未足仰酬萬一在臣子年力

及壯近地遠省無非竭蹶犬馬以圖報稱臣雖至

愚豈敢留戀舐愛之私但臣前次具摺請留標下

實因臣節制全省事務繁多遇有緊要行走之地
驅遣臣子堪以信任分身今臣兼署總督益藉指
臂合無再懇

聖慈俯將臣子仍准

賞與或以守備職銜留標效力或於就近各營守備缺
出令臣

題補則臣益仰戴

天恩於無既矣可否允行伏乞

皇上睿鑒謹

奏

此奏朕嘉悅覽之昨引見爾子楊旭朕一時未經思及
遂補授廣東標下今已另有旨矣君臣之間諸凡悉照
此推誠無隱何事不可整理而猶慮或致參差也

署理直隸總督事務提督臣楊鯤謹

奏爲奏明微臣養廉事竊查直隸總督正協兩員荷

蒙

皇上天恩每年

准於克公耗羨內支銀一萬二千兩並蘆商公費銀
八千兩爲養廉之用

體恤優隆無不備至臣又何敢過自矯飾故爲損節但
臣提督任內原有親丁名糧六十分去冬十月又
荷

聖慈賞添二十分將來補足共計八十分每歲約得餉
銀二千三百兩儘足養贍今臣署理總督事務殷

繁未免多延幕客加以差遣使用需費倍多然臣

量入爲出每年止須蘆商公費銀八千兩便可應

酬總督衙門事宜無憂匱乏其克公耗羨一項臣

此亦

不必矯廉果私費已敷無庸支取以之爲修理墩

之任內實可不必再支分毫相應照數存庫至協

臺等

處捐助公用莫非爾之政蹟若暗停支取人亦何

理督臣劉師恕所有雍正七年分正二三四四箇

由知

爾之存心行事耶

月養廉銀兩已照舊例於耗羨克公蘆商公費兩

項內全數支訖合併

奏明再有通省各官養廉臣檢查舊案有無多寡殊

秉公酌

不公平畫一臣現與新藩司王暮酌量更定以免

偏枯之弊統候確議妥協另行奏

聞謹

奏

覽

署理直隸總督事務提督臣楊鯤等謹

奏爲恭報雨澤沾潤及時麥苗生發極旺事竊查三

月初一日通省得過雨雪經臣具摺奏

聞茲於三月二十日竝二十一日保定府地方竝所屬
附近州縣又得時雨入地四五寸不等麥苗發旺
之際復經滋溉盈阡連陌蓬勃非常民間婦子靡
不欣忭爲此再具摺

奏仰慰

聖懷其別府得雨分寸容俟陸續報到彙摺奏
聞謹

奏

深慰朕懷但毋稍涉縱恣惟益加誠敬以仰候

上天慈愛直待秋成豐熟方可必也

署理直隸總督事務提督臣楊鰥等謹

奏爲請

旨事竊照噶爾丹悖逆不法上干

天討所有直隸一切應辦軍需臣等准到部咨現在加

謹料理惟是宣府一路經由衝要若遇緊要軍務
就近需用錢糧不可不預爲籌畫伏查口北道庫

除兵餉之外別無存貯一旦動支必俟該道移請
藩司申請院示往返逾旬誠恐緩不及事臣等請
於藩庫內將雍正六年克公耗羨項下撥銀三萬
兩暫存口北道庫以備不時之需動用即造報開
銷不用俟事竣解還歸款似屬妥便但事關撥動
庫帑臣等未敢擅專爲此繕摺請

旨伏乞

皇上睿鑒施行謹

奏

此番大兵出口沿途支放草豆等項朕特選差部院官
攜帶庫帑前往協同地方有司料理口北道無須動用
錢糧處所奏將耗羨撥備之舉不必

署理直隸總督事務提督臣楊鯤等謹

奏爲奏

聞事雍正七年三月十二日據深州知州申稱學院於
二月二十八日按臨深州連日考試辛勤困乏至

三月初二日夜被賊從前門檻下挖孔進內盜去皮箱所貯衣服等物現在勒捕緝賊等情到臣竊思學臣駐劄處所關防嚴密兵役巡邏晝夜無間何致鼠竊窺伺得以從門孔進內攫賊雖據報稱被竊其中恐有諱飾情弊除一面批行按察司嚴查確情飭比捕役限日緝賊務獲竝差人密訪如係強劫容臣等繕疏另叅外事關學臣衙署失事理合據實奏

聞謹

奏

嚴飭緝捕務獲朕意大約是竊非強

署理直隸總督事務提督臣楊鯤等謹

奏爲恭報通省雨澤情形仰慰

聖懷事竊惟我

皇上念切民依雨暘稼穡時厯

宸衷今值春夏之交二麥在隴更望甘霖時沛茲於四

月十七十八兩日之內陸續據順天永平宣化大名廣平天津各處報稱所屬各州縣衛俱於初十以後連日得雨自三寸以至四五六寸不等均慶普沾農人歡幸至得雨畧微之處查今春雨水調勻二麥見在秀發十日以內再沾澍雨益可穩卜豐稔臣等一面據報正在繕摺恭

奏適准大學士公馬爾賽等查問仰見

聖懷廣運無刻不繫念民生所有四月初十等日通省

得雨情形相應據實奏

聞謹

奏

奏報如此急緩甚屬不合

署理直隸總督事務提督臣楊鯤謹

奏爲奏明前任督臣動存公用銀兩數目事竊查前

署督臣宜兆熊協督臣劉師恕因總督衙門每年

公用浩繁不能於養廉內支給

奏請於雍正五年耗羨派提銀一十三萬四千九百六十兩之內撥出銀二萬四千九百六十兩以爲該督臣等本年賞官犒兵公出盤費及額外工食繕書口糧等項種種公用所有雍正五年分週歲共支動過銀一萬四千九百一十九兩有奇經該署督等於雍正六年四月內具摺

奏銷在案外剩銀一萬四千兩零又經該署督等

奏明留以爲六年公用今臣於雍正七年二月到任

准協督臣劉師恕將雍正六年分週歲支用過公用銀九千六百四十九兩零又革職布政司楊紹任內複開盤費銀一百二十兩現在追補外實止存銀二百七十一兩零由布政司王謩核算明白摺報到臣除將雍正六年分前署督臣宜兆熊何世璜協督臣劉師恕等支銷過款項繕造黃冊進呈

御覽外所有動存公用銀兩數目理合

奏明謹

奏

據冊開署督協督已皆賜有養廉之資何得又於公用
項內動支盤費至門吏執事夫役人等既有經制工食
何以又於公用項下支給銀兩此四項不准開銷速於
劉師恕宜兆熊名下追補還項另行造冊咨部存案其
動支盤費二項亦令二人倍賠留克公用

署理直隸總督事務提督臣楊鯤謹

奏爲請撥督臣衙門公用銀兩事竊查督臣衙門於
雍正五年內蒙

皇上天恩准於該年派提耗羨內賞撥銀二萬四千九
百六十兩以爲本年公用除前署督臣宜兆熊何
世璽協督臣劉師恕等雍正五六兩年共計動支
過銀二萬四千六百八十八兩有零經臣已於另
摺分晰

奏明今雍正七年分僅存銀二百七十一兩零臣查

督臣每年賞官犒兵公出差遣盤費製備火藥紙張轅門人役工食修理營伍助辦地方公事而典吏繕書一百餘人之額外飯食口糧尤爲緊要蓋必使之餬口足資方可杜其作姦滋弊以上種種需用均係不能裁減臣謹再四酌量伏查雍正七年提解耗羨內除撥給養廉平飯外應剩銀三萬四千九百餘兩臣請以二萬兩存庫所餘一萬四千九百餘兩仰懇

天恩賞准撥爲督臣衙門雍正七年公用并原存銀二百七十一兩零統於歲底具摺

奏銷如有餘剩留爲下年公用是否允協伏乞

皇上批示遵行謹

奏

汝之養廉仍遵前諭支取二萬兩爲是至提督任內之名糧一分亦毋與魏經國魏經國乃從藩下歸旗賤品刀斧餘生不思實力報效一味柔善自便沽買衆譽大

負兩朝厚恩之人姑試用於此任令其戴罪効力倘少有不妥朕必將伊重懲示衆汝應支養廉之資除用度外果有餘剩地方公務儘可捐助何必徒爲無名之節省而人亦莫知汝之清儉也無庸矯廉當遵朕兩次批諭行將朕此諭亦令魏經國知之

署理直隸總督事務提督臣楊鰥謹

奏爲酌定通省養廉繕造黃冊恭請

御覽事竊照直隸各官荷蒙

皇上天恩准於錢糧耗羨內存留養廉固已

惠逮羣工優恤周至矣惟是前任督藩各臣酌派存留
提解似尚容有意見以致多寡參差苦樂弗均又
直隸順永宣三府向因額糧無多不提耗羨而順
永宣之道府州縣各官遂無議給養廉亦覺豐晉
偏枯今臣與新任布政司王謩欽遵

上諭秉公確議所有直隸通省耗羨相應一概提解司
庫而通省各官養廉咸爲酌定成規量其地方衝

僻事務繁簡使有準則期得均平庶幾遵循可久而

聖慈普被咸在飲和食德之中矣謹將各官養廉數目
分晰繕造黃冊一本恭進

御覽再除直隸州同州判外其餘州縣佐雜等官職微
事簡所得薪俸足以自給無庸議及惟是遇公差
遣不無車馬飯食之需既無養廉可支所當酌量
道路時日給與盤費以勵急公者也合併

奏明是否允協伏祈

皇上睿鑒謹

奏

覽所定規則似屬妥協照數支給將原冊送部存案但縣丞以下微員俸薪不多似亦宜量與資助今計通省耗羨幾及三十萬兩除酌定成規二十二萬兩外尚有餘剩其縣佐等員或量給百金數十金汝等再加酌定奏聞

署理直隸總督事務提督臣楊鯤謹

奏爲請

旨事竊查直隸各官養廉經臣另摺奏

聞竝繕造黃冊進

覽此外惟有直隸三路巡察御史滿漢共六員又巡農
御史一員古北口驛站員外郎一員均係未給養
廉者今臣所造冊內亦未議給但屢准各御史咨
稱遍歷地方車馬多費而古北口驛站員外亦屢

次詳請養廉臣以事屬創始未敢擅便應否酌量給與之處相應請

旨遵行爲此繕摺謹

奏

巡察御史所經過地方朕已有諭旨准用驛站廩給其無驛之處亦著該督檄行各州縣照驛地廩給供應何必又議給養廉至古北驛站自康熙六十年設員以來至今九載竝未聞有所缺乏何得冒昧詳請希圖僥倖

甚屬卑污無恥當傳旨嚴加申飭

署理直隸總督事務提督臣楊鯤謹

奏爲派提雍正七年耗羨事竊照直隸本年耗羨經
臣與布政司王謩公同確議全數提解現於各官
養廉摺內備細

奏明該臣查得雍正七年分直隸額徵地糧並均攤
丁匠共銀二百四十七萬二千六百四十八兩零
內共應徵耗羨銀三十萬八千一百八十七兩零

本年奉

旨蠲免地糧應蠲耗銀五萬三千二十六兩零實應徵
耗羨銀二十五萬五千一百六十一兩零內給通
省各官養廉銀一十七萬九千九百六十兩又應
扣部餉平飯銀二萬五千五百九十二兩零又應
扣司庫解餉每兩一分克公平飯銀一萬四千六
百九十八兩零外實應剩耗銀三萬四千九百一
十一兩零所有派提雍正七年耗銀數目理合

奏明伏乞

皇上睿鑒謹

奏

提解到庫給發之時再行據實奏聞

署理直隸總督事務提督臣楊鯤謹

奏爲酌調同知州牧以收人地之宜事竊查保定府同知一官雖屬佐貳但駐劄會城終年奉差盤查勘丈事多繁要必得才器老成之員以應任使今

谷確

原係好員

查有宣化府同知谷確勤敏幹練辦事細心以

之調補保定同知足勝驅策其現任保定同知甘

士琇人頗有才但精華外露尚須收斂即請以之

此二

員不必互調甘士琇既欠磨練愈當留省就近差

使以

策勵之調補宣化同知邊要之區可以磨礪才氣造就有

成又昌平州知州汪元祐聲名卓著持重嚴明臣

請調補直隸冀州必能表率屬縣所有冀州知州

汪元

祐等二員具疏題請可也左文言器宇亦好請以調補昌平旗民繁雜臣當

試其才守以上四員互爲轉移實因人才地方起

見是否允協伏乞

皇上睿鑒施行謹

奏

覽

署理直隸總督事務提督臣楊鯤謹

奏爲恭報京南四府五州得雨情形竝二麥秀實分
數仰祈

睿鑒事竊查正順廣大四府竝定晉趙冀深五州暨所

屬各縣地方均於四月二十七八兩日內得雨自
二三寸以至四五六寸不等其四寸以上者均皆
霑足其三二寸者上下濕土相接二麥秋禾咸皆
滋潤有益所有各屬二麥現在具報十分九分八
分七分收成不等惟磁州地方具報五分理合據
實奏

聞謹

奏

麥尚未收即定分數具奏甚屬糊塗



硃批諭旨卷一百六十八



總校官庶吉士臣侍朝

校對官編修臣馬啟泰

校對官編修臣周厚轅

騰錄監生臣徐騰

騰錄監生臣任鑑